

Hakuna cha Kututenga na Mungu,

Mnafurahi sana, iwapokuwa sasa kwa kitambo kidogo, ikiwa ni lazima, mmehuzunishwa kwa majaribu ya namna mbalimbali; ili kwamba kujaribiwa kwa imani yenu, ambayo inathamani kuu kuliko dbababu ... kuonekane kuwa kwenye sifa na utukufu na beshima, katika kufunuliwa kwake Yesu Kristo. 1 Petro 1:6, 7.

Tunapojaribiwa kuweka upendo wetu katika mambo ya kidunia yenye mwelekeo wa kuteka upendo wetu, tunapaswa kutafuta neema itakayotusaidia kugeuka kutoka huko na tusiruhusu mambo hayo yatutenge mbali na Mungu. Tunataka kuweka katika macho ya akili zetu makao ambayo Yesu amekwenda kutuandalia. Yatupasa tusiruhusu nyumba na mashamba yetu, shughuli zetu za biashara na shughuli za kidunia, kututenga sisi na Mungu. Sharti tudumishe mbele zetu ahadi kuu ambazo Kristo alituachia. Tunatakiwa kujifunza ishara kuu za njiani zinazotuelekeza katika nyakati tunazoishi sasa. Tunatambua kwamba tuko karibu sana na nyakati za mwisho za kufungwa kwa historia ya dunia na kila kitu chenye asili ya kidunia kipewe kipaumbele cha pili baada ya huduma kwa Mungu. Tunapaswa kuomba kwa bidii sasa ili tuweze kujiandaa na pambano kuu la siku iliyoandaliwa na Mungu. Basi tufurahie katika tumaini la kuwa na Yesu hivi karibuni katika makao aliyokwenda kuandaa kwa ajili yetu. Yesu anaweza kuruzuku mahitaji yako yote, ikiwa utamwanguka na kumwamini.

Unapomtazama, utavutiwa na utajiri wa utukufu wa pendo Lake takatifu. Upendo wa kuabudu vitu tunavyoviona utaondolewa na mahali pake kuchukuliwa na upendo wa hali ya juu kwa vitu visivyoharibika na vya thamani. Unaweza kutafakari juu ya utajiri wa milele za kimbingu hadi pale upendo wako utakafungamanishwa na vitu vya mbinguni na unaweza kutumika kuwaongoza wengine kuweka upendo wao katika hazina za kimbingu. Unaweza kuwasaidia kuona kuwa fedha inayotumiwa kwa matumizi yasiyo ya msingi ni hasara(bure), na ni mbaya kuliko bure; kwani zingeweza kutumika kuwasilisha kweli kwa roho ambazo zinakaribia kupotea. Ikiwa mbadhilifu atakombolewa, itakuwa ni kwa sababu kulikuwa na kitu kilichowekwa mbele yake ambacho kitamwonesha dhambi ya kuharibu mali ya Bwana wake.

Bwana anahitaji watumishi Wake wafanyie biashara bidhaa zile alizoziweka chini yao. Talanta alizowapa zinapaswa kuendelezwa kwa kuzitendea kazi. Fedha zilizowekwa mikononi mwao wanapaswa kuzipeleka kwa wabadilishao... Wale wanaothamini fedha ni wale wanaoona uwepo Wake katika muktadha wa kupeleka ukweli kwa wale ambao hawajausikia na kwa njia hii kuwaokoa kutoka katika nguvu za adui. Roho zinazokubali ukweli zitajikuta zikinaondoa upendo kwa mambo ya kidunia. Huona ukuu wa utukufu wa mambo ya kimbingu na kupendezwa na ubora wa mambo yanayohusiana na uzima wa milele. Hufurahishwa na mambo yasiyoonekana na ya milele. Anapopoteza mshikamano wake na mambo ya kidunia; Hukaza macho yake kwa kupendezwa na utukufu usioonekana wa mbinguni. Anagundua kwamba majaribu yake yanamletea utukufu mkuu na wa milele usio na kifani, ukilinganisha na utajiri wake ambao angeupata, huuhesabu kuwa si kitu kwani ni wa kitambo tu (The Review and Herald, Juni 23, 1896).